

執卷師恩報何時願滿功行周圍得歸銀漢
雲步向前相趕

菊花新

碧洞深藏真景致黃白花開金玉異不住有
祥雲甘露降瑞中增瑞 孟嘉落帽陶潛志
又爭知這頭瞻視日日慶重陽功行滿六銖
衣賜

鍊丹砂

天水翔雲卷遠勝精藍雲朋霞友日常參恰
似栽松招引鶴豈是貪婪 若肯悟清談管
有香甘田園分付與兒男欲住蓬瀛先改作
落魄婪耽

化生兒

和重陽真人

得遇忻然別東州訪地肺恣遊水雲自在
沒憂愁遠攀綠髮念休 保護根元二尾牛
運玉采顛頭流金丹結正不持修闡玄談般
若丹

臨江仙

乞覓殘餘真活計無羞無恥無榮捨身豈是

畏飢鷹亦非為虎食不著假身形 萬種塵
勞齊放下自然神氣靈靈心猿意馬兩停停
無緣沉苦海有分看蓬瀛

長安新出家者

此箇隴西明大道看來俗累難拘報子天水
慕清虛彭城歸正覺割愛後來問 更有段
公明慧性悟來巧變癡愚山侗聞得證無餘
忻然如大醉認得本來如

贈鳳翔酒郎中

杜康造底昔日文君當爐沽底幕想古來畢
卓親曾偷底是劉伶十分偏愛底 帝前李
白曾吐底樂巴起慈教火遠巽底司馬相公
常常專專誠底又爭知是郎中貴姓底

漸悟集卷上

漸悟集卷下

崑崙山馬丹陽撰 第七

南柯子 十二首

贈陳三翁

在俗非為俗居塵不染塵如蓮不著水之因
萬卉千花一葉不沾身 營養心中性修完
身內神各人了了繼何人龐老全家拔宅許
真君

予戒酒肉茶果久矣特蒙公見惠梨
棗就義成亂道一篇

悟微梨和棗寧食酒與茶我今雲水作生涯
奉勸依子早早離家 我得醉醒趣君當
生死趁同子物外鍊丹砂九轉功成步步
煙霞

自誠

兒女心頭盡田園意上除金銀財寶與妻孥
物物般般屏棄恰如無 却著人情事堪嗟
性蠢愚不如一撥守清虛無作無為便是好
功夫

贈眾道友

心地頻頻掃塵情細除莫教坑壑陷毗盧
常靜常清方可論元初 性燭頻挑剔曹溪
任及呼勿令喘息氣聲轟轟晝夜綿綿端的好
功夫

贈馬懷玉

意動心須動心除意亦除無無寂寂還無
神氣和同子毋得安居 莫覓曹溪路何須
問尾闈真清真靜養真如真樂真閑真茵好
功夫

昨日因何喜今朝為甚悲喜他向道慕希夷
悲則因他華麗不相宜 既欲搜玄妙須當
做乞兒蓬頭垢面蓄髮垂意靜心清便是上
天梯

七夕吟

天上初流火人間乍變秋鵲橋銀漢瑞雲浮
織女今宵何處喚牽牛 閨女離閨閣無愁
自起愁焚香乞巧拜無休信肯灰心守拙列
仙俦

又

夢裏遊郊野骷髏告我來哀聲聲切切聲哀
自恨從前酒色氣兼財 四害於身苦人心
竟不灰致令萬劫落輪回悔不當初學道做
仙材

又

王與馬相見心交應宿緣太原梁苑已昇天
記得當初留語再相傳 守服須三載持心
更五年誇人歸善行功全此箇扶風重禮害
風仙

又

但願三丹結何愁兩鬢蓬頭垢面羅唵囉
十二時中謹謹養沖和 不美相如志無心
繼伏波馬風題柱意如何不做神仙不過灑
陵河

又

無使名過實常教實若虛藏機隱密恰如急
閉關心王何處用功夫 性做長生寶身為
大藥鑪鍊丹須要飲醍醐醉卧瓊樓調弄夜
明珠

又

不美人先悟惟愁我未愚蓬頭垢面背虛都
身做行卷到處得安居 不著人情絆常教
我相除道遠自在箇塵無物外山侗不解會
功夫

遇真人

重陽師父談爐竈全在心田了山侗亦認本
來真性傳命住未是吾神 從今內外成
顛倒漸漸通明道故將詩曲勸多人猜得春
花秋月好為親

惜黃花

和師韻贈長安范公
棄財戒酒藥囊繫肘常清靜使把虎龍引還
心起大慈悲人人盡欲教化愚迷詩詞如呪
休要攀花柳速修神秀玉壺中有箇自然
紅狗日日吠青霄誰知合著口更披雲能飛
解走

無夢令

贈景公
物外先生姓景酒色氣財常警稍覺偏頗
不待他人自做自做自做得步長生內境

贈景公

贈蓬萊散人

一志孤清守道十地遍生芝草百行謹行持
千日鍊成真實真寶萬劫容光轉好

又

莫訝邇來栽竹非戀眼前碧綠惟愛歲寒心
使我自然不俗不俗清靜志堅仙福

贈岳散人

悟道散人姓岳祕密玄機把握終日撫心琴
便是蓬萊仙樂仙樂仙樂聒透身中華嶽

又

物外洞天金雨澆既九還之數猿馬兩澄澄
自是性停命住命住產箇胎仙飛舉

又

三髻山侗愛笑好弱歸之一笑不是我如斯
有箇內容欣欣笑笑真樂自然歡笑

贈京兆權先生

妻妾兒孫一假金玉珠珍二假三假是榮華
幻化色身四假知假知假說破浮名五假

又

一避無涯火院二避利名榮華三避敬欽頻

自是田分三段堪看堪看金玉結成光燦

感師

地肺重陽師父化我百朝扇戶却欲報師恩
三載願心環堵食素食體掛靈明紙布

又

譚馬丘劉四絕好弱各無分別因遇別東牟
故訪西秦養拙養拙養拙直要清貧做徹

贈傳散人

此箇散人姓傳不戀榮華貴富物外做修持
玄妙性中分付分付分付達島將來趨赴

贈李悟道

悟道姑姑姓李棄了人情俗禮決烈似男兒
披獲玄中玄理玄理玄理只在西江月裏

贈紀散人

悟徹人生能幾飽了滿頭虱蟻樂道處真常
十二時中鍊已鍊已鍊已做箇神仙網紀

贈于面前先生

惆悵煙霞伴侶堅意辭予歸去不念我伶仃
守一清清環堵環堵環堵終日無情無緒

又

志在環堵養拙是是非非不說終日似慈癡
逗引箇中歡悅歡悅歡悅便是山侗活業

又

馬劣猿顛濁夢虎迷龍踏清夢無作更無為
性住命停仙夢仙夢仙夢氣結神凝無夢

又

寶殿金門玉鎖要看搜尋雲采無影鑰匙兒
便把轉關別過別過別過自是無昇無墮

長安賈散人

此箇散人姓賈悟徹身軀是假急急便投真
物外修完純嘏純嘏純嘏內飲何須持掌

贈宋知柔

歡樂滌除煩惱清靜自無塵惱真氣過三四
結聚琉璃瑪瑙瑪瑙瑪瑙自是還金補腦

贈權知微

權老萬緣一擊意馬心猿頭歇香默湛澄中
無影人人權悅權悅權悅性似清風明月

贈劉先生

不得迎之見首忘得隨之見後仰視念彌高
鑽刺轉加堅厚堅厚堅厚悟徹頭頭觀透

贈元公

德茂元公兄弟月魄星冠遂意素勤更修持
爐鍊丹砂無比無比占得蓬瀛仙位

又

傳語兩宮道士日用剪除塵事爐鍊白朱砂
內境內容瞻視瞻視瞻視此際山侬參侍

又

傳語終南道衆早把良緣勤種保守氣精神
調攝烏龜赤鳳赤鳳化粒金丹萬壽

又

便把那人喝住莫使狂行一步日日處真常
自有神珠堪顧堪顧堪顧共作長生伴侶

贈謝散人

此箇散人姓謝富貴榮華不藉猛烈入玄門
修葺洞天臺榭臺榭自有花開不謝

又

信步如同雲水看過秦川八水不似棟梁間
萬派迷留神水神水神水便是山侬具水

又

物外茅齋映竹一飽殘羹冷粥樂亦在其中

記得風仙叮囑叮囑叮囑係養靈明性燭

贈安靜散人

微要病源除削便把塵緣拈却心上去憂愁
性內真歡真樂真樂真樂此者仙家一著

又

潑殺無明業火保守爐中水火固養本根源
決要水中生火生火生火便是山侬具火

京兆譚急脚索

且做塵中急足有日清閑願足隨分更隨緣
自是常常知足知足足捉住金烏三足

五更寄趙居士

一鼓孤眠內守寶陸用雲耕透密種紫芝苗
自是洞天無漏無漏無漏坎虎離龍交媾

二鼓孤眠內守雲紋過天星宿日月兩交光
自是寶瓶無漏無漏無漏起陸龍蛇戰鬪

三鼓孤眠內守重把玄門頻扣喚覺箇中人
自是玉闕無漏無漏無漏蛇女嬰兒携手

四鼓孤眠內守謹謹小心防寇慧照破邪魔
自是金精無漏無漏無漏一點靈光結就

五鼓孤眠內守湛寂無中得有應物處真常

自是神丹無漏無漏無漏顯現胎仙清秀

又五更

一鼓乾坤入洞便把虛無拈弄離坎自交宮
澄湛寂然無夢無夢無夢別我魔軍大恟

二鼓孤清妙用顯倒倒顯看供遍地長黃芽

便覺箇中無夢無夢無夢八味水流梁棟

三鼓玉金深種始覺元陽運動丹鼎紫煙生

氣爽神清無夢無夢無夢一點靈光堪寵

四鼓嬰兒跨鳳蛇女欣然持性性命兩停停

自是睡輕無夢無夢無夢瑞氣祥光簇捧

五鼓衆星相拱應物無勞擒縱時顯夜明珠

無睡無眠無夢無夢無夢五絳雲蹤繼踵

木蘭花令 和師韻

諸公日日團圓聚飯罷時時眼厮覷專專惟

望馬風言怎敢玄玄輕泄露 常常只把氣

神護謹謹調和龍虎步徐徐鍊就九還丹箇

箇成仙雲外去

萬年春

緣甚修持風仙釣出侵雲構靈苗秀幹運真

母非是調羹手 小過誰無語失當絨口班
行後怎生依舊除是隨風走

又

自己園亭無分晝夜宜重構黃芽秀欲携雲
母那裏須垂手 無相人人暮地開金口明
先後須當遺舊擊出元初走

又

堪嘆人人波波劫劫貪名利何時已眼光落
地到此纔方悔 雖有兒孫要替應難替
生淚甚家滋味想著心先碎

又

奉勸人人塵中莫競錐刀利心先已勿欺天
地事在前頭悔 欲免輪回休望兒孫替
垂淚道家真味把恩愛先鍊碎

夢得一枝白筆

昨夜山侗夢遊蓬島逢鍾呂文房數一枝純
素不讓蒙恬做 遠勝江淹五色何曾汚相
宜處書心開悟堪應三清舉

又

冬至陽生迎春撥雪黃芽好人驚早香如芝

草玉碾勝磨搗 神水烹煎自是除陰耗金
童報絕品珍寶毀罷遊蓬島

贈陳知命

地肺陳公白毫顯出非常異人難比希夷苗
齋肯著塵凡累 猛捨家緣物外搜玄理清
心意自然澆溉太一沖和氣

贈興國寺修塔僧

物外高僧澄澄湛湛真禪刹真禪刹心無察
察理趣常搜剔 玉性玲瓏處處皆通達皆
通達無拘無轄疊起黃金塔

甯解元許却卷門以詞督之

譚馬丘劉專專卓箇卷兒住修行處未知門
戶有箇先生許 翹俊嘉音萬望垂青顧如
無悞決登雲路豈敢忘恩府

勸道友

去去來來來去去何時了堪失笑利名纏
倒衣換知多少 奉勸人人早把元陽保休
虛耗結成珍寶得赴蓬萊島

詠李實卷名靜樂

常守行卷常清常靜常常快常搬載日常寧

耐自是常交奉 真樂真歡應物真常在真
無壞真如光彩得做真良价

詠李公慵軒

物外慵軒閑居放坦無為作無為作自然期
約心腎相交錯 二氣成形結就靈丹藥靈
丹藥銀霞覆却展起騰雲脚

巫山一段雲

贈三一居士

幹運清神境修完耀洞天九層臺上聚祥煙
端坐碧霞軒 開闢瓊林雅宴賞說箇中深
淺咆哮金虎戲波濤警動米成齋

又

玉女閉金殿金公鎖玉關真清真淨養胎仙
雲透坎離間 貪看靈光上下忘了之乎也
者神珠吐出九般霞跨鶴赴仙家

又

赤子餐青母紅蛇咬黑龜祥光瑞氣可成衣
尚自更持危 調引蛇嬰嬉戲緊把玉關封
閉一輪性月晃清霄雲步訪三茅

又

霞友無塵慮雲朋絕事情氣神相結淨中清
談笑大丹成 好把碧桃採摘專獻蓬瀛仙
客大家同共慶重陽開宴一齊嘗

又

休要呼師叔相看若弟兄鍊心雲補玉京城
何必謁公卿 因撫心琴益壽謂飲刀圭戒
酒瑤臺上面放瓊花同去步煙霞

贈胡了仙兄弟

會揮青鋼劍能銜白玉杯虛心實腹養瓊瑰
平地一聲雷 誦教三尸六賊火裏金蓮開
圻自然顯現箇靈童雲步太虛中

又

籛養長生藥園開不謝花充飢旋旋採靈芽
消渴飲流霞 閉看玉蟾光灼忽見金龍躡
躍兩般遊戲上青蓮鳳曆怎排年

又

醉卧琉璃帳閱看翡翠簾自然俗慮絕毫纖
寶鼎玉花添 蕪起心香性炷引動麟飛鳳
舞龍蟠虎速戲神珠丹結赴仙都

又

黃鶴松間睡青鸞湖畔樓白牛因卧紫靈芝
丹鳳宿瑤池 唯有靈童敢要來往恣情遊
冶通天徹地月明中顯現至真功

又

洞裏乾坤異儻然看不窮虎龍闖入白雲中
不見往來蹤 姪女嬰兒忒熾爭把崑崙頂
戴瓊瑤撞透出靈胎跨鶴去蓬萊

又

玉線穿三亢金針透九關自然得見內容顏
雲袖凭來攔 正看瓊花爛熳暮地青衣叫
喚紫微詔下赴蓬萊仙籍已安排

又

性燭生青焰心香裊紫煙命燈結正玉花鮮
慧目看金蓮 此箇山侗雅趣出自風仙師
父一朝九轉大丹成玉帝詔仙卿

蘇幕遮

在長安弄鐵馬騎道支索詞
馬風兒悟玄理不向蒼極看恁成家計參從
風仙何事喜舞袖輕搖撼動聲清美 勝驂
騶無繁繫不戀銀鞍免使人鞭撻慕地訂瑤

聲韻起自在道遥直上青霄裏

闌角兒梳得好妙手奇功悟後呈些巧箇箇
蹴來無倚靠各各怪怪蟻虱須教少 張打
由李飽老見我風狂鼓掌呵呵笑此箇機關
人怎曉返老還童內外成顛倒

贈張善道

耳門聞心煩惱日日憂愁不覺容顏老眼做
看門招病早口是禍門德喪身亡了 鼻玄
門通大道日用不勤喘息綿綿好傳透九宮
成至寶久視長生雲步歸蓬島

到萊州復歸寧海鮮墳

此回來緣甚故不謂營生不為兒和女不謂
榮華誇五袴思憶幼勞特地鮮墳墓 奠酒
時聞地府九祖生天共結神仙侶非是修行
難救度何必三牲祭祀千千數

別鄉

葉葉華披破蓆養假崇真茶飯須求不克了
從前親與識此別鄉關恁意閑遊歷 主人
翁須愛惜六賊三尸慧劍頻頻劈追引靈童
常跳躑真樂真閑大道成無極

勸長安道衆

苦海中勞四大競利爭名箇箇皆寧耐爭把
元陽都損壞前有輪回者甚機謀解 道門
中超三界太上中包悟者欣然戴意淨心清
無罣礙固養靈根性命長長在

看選孝

有微言深可說免死孤悲傷類聲悽切人見
人亡寧喜悅大限來時莫也無分別 願回
頭搜秘訣猛捨家緣頻把心猿歇修鍊金丹
收白雪九轉功成永永無生滅

別子

出凡籠無繫絆落魄焚就日作無常觀十四
兒孫都棄拚自在逍遙風月為吾伴 背葫
蘆携鐵觀壺貯瓊漿觀內靈芝按渴飲飢食
增壽筭天助真風有箇瑯琊喚

自害風

遇王風風傳我風發颺颺風害家緣破拈弄
風颺圍水火風子籟籟風韻開吟和 順風
行迎風坐飲罷真風更枕清風卧施布仁風
功行大自許扶風風裏成因果

贈馬公

好雲遊是馬鈺幸遇華宗一見如親族拜禮
從今為骨肉仰荷恩憐終日閑相逐 告吾
兄聽我囑莫慮兒孫自有兒孫祿願早灰心
明性燭占取清閑修取將來福

鄆縣晏公惠題

晏先生惠我題親做庖人妙手披和軟細細
搓來成玉線致在鍋中水火同烹鍊 覺馨
香成美饌四箇平分各各無深淺欲要充飢
須九轉飽後雲遊處處行方便

風發

害風王扶風馬各做心風總把家緣捨吟詠
清風明月下風裏尋風搜得真風雅 順風
行隨風要處處風傳結正風無價掌握風颺
持玉竿馳騁風流共把風雲跨

自戒

不慳貪不諂詐不憶家緣不說鄉中話不著
世情不著假不做詩詞不敢言行化 志彌
高心轉下雲水清閑內養丹無價樂在其中
欣放要姓氏人詢倦應扶風馬

又

遇風仙心開悟人我心無無愛無憎垢一切
女男同父母三教門人盡是予師父 好清
閑喜歌舞晝乞殘餘夜宿悲田所上下中丹
常密護九轉功成蓬島通雲路

在南京乞化

穿茶坊入酒店後巷前街日日常遊過只為
飢寒仍未免度日隨緣展手心無倦 願人
人懷吉善捨一文錢亦是行方便休笑山侬
無識見內養靈明自有長生驗

贈李哥緣再要出家

李先生難捨俗出去還來壞了崑山玉覆水
重收絃斷續一事無成惹得空撈漉 悔前
非明性燭火滅煙消心上休懷毒欲與馬風
閑廝逐直待年深看透伊心腹

勸李哥

羊兒皮虎兒質害物心機晝夜無寧息雖惡
肯將兒子食休逞威風真性宜調習 親非
親識非識雲水清閑內外常遊歷日用三食
憑乞覓滅盡無明便是波羅蜜

71-025 A B C D

鄉中上街求乞

捨家緣須用斧劈碎恩山豈肯重修補猛烈
灰心尋出路自在逍遙認箇清閑處 有因
緣方可悟改變衣裳道服惟麻布莫訝鄉中
求乞去滅盡無明直上青霄步

和師韻

清淨門乘弱戶忍辱家風朴實為公據無作
無為成活路自在逍遙雲水通行步 絕聰
明劫惡魯兀兀騰騰不起閑思慮面若頭蓬
身糞土萬事俱忘堪應三清舉

李公實索備軒詞

不梳頭不洗面餘在其中契飯心懷倦無病
閑眠身懶轉有客來尋問者仍慵喘 不燒
香不禮念落魄萎乾酬了今生願日月不勤
功怎見紫詔來宣大道無為願

懷富伯功惠鞋

清更冠伯功履見恩山何別有非常意使我
頂天并立地俯仰觀瞻無作兼無愧 得斯
因無限喜出戶迎賓何患殊無禮更向就中
搜與旨上下沖和得赴青霄裏

瑞鶴鳴

寄華清道衆

環墻圍合洞中天瑞氣祥先愈接連白鹿懷
中常穩坐青牛背上得閑眠 驪山不到經
三載華岳相連近四年霞友雲朋應怪我爭
知此處結金蓮

勸道友

清虛雖好戀家緣者甚因由上得天頂戴恩
山猶論道身居苦海尚擊拳 是非窳裏功
難就名利叢中果怎圓若不回頭尋出路如
何只恁做神仙

住環堵

冬雖無火抱元陽夏絕清泉飲玉漿蠟燭不
燒明性燭沉香無用蕙心香 三年赤脚三
年願一志青霄一志長守服山侗環堵內無
恩相報害風王

過楊柳渡

馬風寧海遇重陽西入關來放肆狂好看梅
溪楊柳渡喜遊竹徑杏花岡 秦川鋪錦宜
春睡渭水橫絲繫日長勝景無窮吟不盡命

工圖畫比仙鄉

詠茶

盧仝七椀已昇天撥雪黃芽嫩騰仙雖是旗
槍為絕品亦憑水火結良緣 兔毫蓬蘽鋪
金粟蟹眼湯煎瀉玉泉昨日一盃醒宿酒至
今神爽不能眠

居菴

聞人相訪有何妨唯恐聞人話短長真樂真
閑無議論至微至妙絕商量 是非欲說氣
神散名利曉言道德忘不若澄心常默默自
然彼此得清涼

督韓三官人

男兒決烈在言談口契相違亦害慙雖是韓
三疎馬三奈何馬三憶韓三 養家便是甘
中苦學道須知苦裏甘甘苦甘還省悟出
離大院住雲菴

收家書

家書接得急開封正值糊窓要辟風我意難
隨你意去道心不與俗心同 行功未滿大
千數雲水須遊太一宮傳語兒孫并弟姪後

來書至擊墻東

又

心香焚起唱行香其樂真閑與味長便覺眉
頭無利鎖何愁身上有名韉 昔年曾作肥
家子今日還為出舍郎到此遇逸常自在哩
咬哩囉又何妨

贈衆道契

修行何處用功夫馬劣猿顛速剪除牢捉牢
擒生五彩暫停暫住免三塗 稍今自在神
丹漏略放從容玉性枯酒色氣財心不盡得
玄得妙恰如無

又

道人財色酒雖無一點無明者甚除惡念不
生歸營素爾來勿競證元初 我人起處愁
無極煙火消時樂有餘欲學神仙須忌辱莫
交燒了那真如

聞鄉人來到以詞聊代家書

斬釘截鐵不思家永絕狐疑未棄家足履白
雲尋羽客杖挑明月訪仙家 鄉中園館非
吾宅物外蓬瀛是我家自在逍遙無宿慮何

須重話舊時家

又

人人學道總勞勞箇箇心高志不高煙火靡
除生恣惡虛情不斷起貪養 欲搜玄妙消
三業猛向根芽下一刀常淨常清常慈辱無
為無作列仙曹

又

昔年常被利名枷苦海波中喜戴枷堂下兒
孫如玉粗眼前妻妾似金枷 至迷馬鉅因
何悟得過風仙便脫枷開裏尋開得開趣如
今寧肯復投枷

又

勸人休要問前緣但肯回頭是宿緣不想浮
生難猛悟稍知虛患近良緣 無心入道須
無分有意投玄是有緣自古神仙皆出離在
家怎得好因緣

又

風仙風害得其風留下家風要害風通密丘
仙能離離山側馬鉅應扶風 勸人休作夢
中夢學我能尋風裏風或問風因觀說破投

玄速俗做心風

贈斗門李公

不須速速尋師自是神仙自是師真淨真
清真至理至微至妙至真師 愛憎不盡難
求道人我仍存枉拜師你意不能隨我意我
心怎做你心師

又

秦川勝景果非常最好終南珍藏鄉竹徑梅
溪生秀氣鳳巢龍窟吐祥光 雲卷處處成
雲集道友多多論道長劉蔣村名今改變人
人傳說會仙莊

遇仙槎

贈清風散人

勸勸物外修謹謹心中掃漸漸絕塵緣細細
通玄奧 靈靈大藥成煉煉神光好得得遇
仙槎穩穩歸蓬島

和師韻

三光固下元六度清中闕九轉上元燈照見
長生月 無分晝夜明光彩連綿發顯出箇
胎仙生死今者越

寄晏公

休心絕是非滅意除人我酒色氣財無生死
輪回超 样光結寶花玄露成珠顆自是遇
仙槎便得跨雲采

又

名成好息心利遂堪回首猿馬不輕狂龍虎
相交媾 常教玉戶開莫使金闕漏九轉大
丹成萬劫神清秀

養家告

贈甯伯功

○ 養家告火坑深萬塵埋沒不能禁過風仙物
外尋 修行好鍊陽陰淨清能見水中金現
光輝罩寶峯
養家告鎮常忙來忙去到無常作陰囚住
鬼房 修行好不曾忙閑閑裏守真常得
修完玉洞房
養家告贍他人衣豐食足高嫌貧運機心喪
了真 修行好作閑人自然憂道不憂貧鍊
頑心養至真
養家告似蜂度採花成蜜為誰甜肯提防蛛

網粘 修行好做風度舌生津液玉漿甜澆
黃芽無惹粘

養家告特食養家豐又待望官高過危難無
計逃 修行好不貪養埋光隱迹恐名高處
無為生死逃

養家告戀塵緣銷謀活計望千年奈凡軀不
久堅 修行好結良緣功成行滿不排年做
神仙因志堅

養家告沒程頭一朝身死作陰囚見閻王不
自由 修行好有程頭三千功滿不為囚做
神仙得自由

養家告喜相違常常思想死生危怕從前火
院圓 修行好處無為神珠光彩透簾幃現
靈童相貌威

養家告沒休期危危險險似圍恭被人腹無
禱祈 修行好最稀奇姪聖事把虎龍騎獻
胎仙鳳與麒

養家告為妻男是非榮辱飽經諸限臨頭事
怎甘 修行好子瑞雨神丹燦爛乘行卷晏
瑤池德飽酣

修行易斷情難始初分解最艱難嘗無常破
盡難 心開悟沒疑難覺從前事養家難學
神仙有甚難

思微妙想塵緣兩般搜索要精研但知空向
道堅 心清淨意通玄自然知道沒言傳達
無為作大仙

解佩令

和古韻

山桐猛省因師法旨覺從前不是不是別正
根源要日月壺中並至透玄關應希夷理
龍吟虎嘯能行能止到昏迷慧刀鋒利鍊就
神丹金盤托聊充微禮獻風仙博本師喜
推強挫銳常搜已過處其常毋勞打坐每向
人前須做小無心做大坎離中虎眠龍卧
不憎不愛無人無我又何愁非災橫禍自在
逍遙與雲朋霞友唱和占清閑自家幾箇
梅花引
贈白先生
脫塵子逃生死物外逍遙雲水似起真慈起
真慈暗助其功常常得自知 逗引蛟龍歸

虎兒水裏燈光明久視結靈芝結靈芝芽去
蓬瀛專專獻我師

贈眾師兄

子端午龍蟠虎莫使馬猿偷眼觀氣神懸氣
神懸海底靈龜依從鼻呼吸 女蛇嬰嬌雲
裏聚欲赴蓬瀛路上去鍊江湖鍊江湖結就
金丹方知玉性孤

贈老李先生

怎分曉迷虛矯愛戀家緣何目了著塵器著
塵器鐵做人人遭他火院銷 猛悟無常非
事小跳出凡籠搜密妙樂道遙樂道遙坎虎
離龍降來入玉瓢

憶王孫

和重陽真人

心清步步入玄門意靜霹靂既本根蒼地聽
聞沒口論性無昏一點靈光萬劫存

又

長安雲步去還來萬朵金蓮火裏開獨飲刀
圭勝濁醅兩三盃滌盡凡心有甚災

又

麻衣紙襖度冬寒暖閣紅爐未不看認正些
兒理的端氣神安結就無為九轉丹

慈那郎

贈重陽真人姪王周臣

休要强貪名利休要戀妻男免輪回生死苦
做癡癡 清淨自然明道神氣自相參功成
朝玉帝跨雲騄

金花葉

贈徐安神

欲要靈明蓋徹向心上速宜解結便莫受家
緣火燭棄妻男產業 逞俊寧如養拙引龍
虎休教急切自然悟神仙妙訣本來真難滅

青玉案

贈染何先生

無涯火院常籠罩似醉夢難分曉費弄惺惺
非要俏爭財競氣總妻男算到底終須掉
臂似無常坑害了便急急搜玄妙回養靈根
真火燎澄澄湛湛證元初大藥就天書詔

調笑令

和師韻贈張馬二公

調笑論微妙月內銀蟾端午跳中宵日裏金
雞叫坎虎離龍圍速忽然撞著蛇嬰召共守
丹爐了了 山峭彩霞照一顆神珠常吐耀
無窮端氣長籠罩更有祥煙裊裊三清專遣
青童詔報道無為功要

四仙韻

丘劉譚馬幸遇風仙親教化一列山東雲水
秦川興不窮 清貧快樂自在逍遙無做作
清淨門庭闌出家風合聖經

又

丘仙逸密隱跡磻溪人不識通妙到仙未住
終兩身萬緣 譚仙過正志在清貧修大定
三髻山 侗願處環瑤也放慵

贈徐玄之

神翁商骨格非凡人怎比猛捨家緣物外
搜尋玄上玄 天長地久走玉飛金常在手
營養黃芽道號從今稱碧霞

贈煙霞散人

謫仙狂悟富貴榮華都不顧改變衣裝道服
雲包似帶長 擒猿捉馬不騎客儀多姪姪

玉性無塵相稱煙霞一散人

又

譚仙適正悟徹長真修玉性馬鈺山何豁豁
洋洋似害風 劉仙適妙把揮長生真了了
通密丘仙修養長春不夜天

又

處端適正道號長真真上認自在逍遙撒碎
岩前汲水瓢 處玄適妙道號長生真了了
慎勿先歸且伴長春丘處機

又

山侖馬鈺學道宜乎除愛慈却碍詩詞怎得
功成現紫微 如何猛悟減字木蘭花裏訴
百拜詩魔休似從前返側何

又

詩詞作孽妨我清閑仙舉業猛悟心驚如向
深淵履薄冰 便疎筆硯却與氣神相卷戀
懶裏多情無作無為是馬風

別南京折字

今拜別住逍遙金王宅處門開裏人人不復
來 金成寶脉嬰兒擊碼碯與山侖去蓬瀛

禮日公

過靜遠鎮

兵尊我戰叢中誰解禍辯如鋒木和同是夏
公 今清脫免日烏同作活底然香謝恩人
魚鼓版

掛金燈

贈重陽師父姪王周臣

絕攀緣心上生光瑩朗然變化無窮異景這
靈妙教賢省 內貌宜乎速整悟後分凡聖
巨初靈明火內正勁煅煉出清中靜

滴清金

贈蔡公

水雲自在逍遙客木金聚更無隔嬰蛇從此
認知識看無中顏色 虎龍戰鬪曹溪側鼎
爐內鍊黃白大丹成就有誰嘗蔡先生消得

德報怨

贈吳知綱

急性更為緩性意靜自然心靜憎愛兩俱忘
絕炎涼 虎遠龍蟠光瑩丹結玉童邀請舞
袖出崑岡赴蓬莊

金雞叫

化李仲達

撞著鯨鯢須索釣拋香餌時時引調洋洋不
顧迷波蘇休要相趁與你如膠鯨 擲下金
鈞常攪擾如回首牽歸玄妙將來決定成仙
了朝拜三清自我金雞叫

又

日日朝朝常報曉誰知道人人錯了孽孽為
利貪虛矯性命俱忘財色心奸狡 惡業無
涯陰德少將來事一場不小無常限滿艷都
召鬼使擎拳喚不悟我金雞叫

又

日日朝朝常報曉徒人省搜玄搜妙孽孽為
善回光照勘破浮生便把家緣掉 九曲明
珠安九竅絲連蟻火光頻燎往來穿透功夫
了得赴蓬瀛自我金雞叫

又

大院中間常火燎憂兒女形容衰了傍人替
你生煩惱投獻詩詞萬望心明曉 不測無
常非事小悟來後便搜玄妙蓬萊雲路通關

要鍊就金丹自我金雞叫

又

外聘惺惺非是俏內修持些兒最妙真如一
點三光照起心香自有祥煙罩 李四高
人如悟曉無中有非常冥香胎仙舞袖麾靈
耀跨鶴騰空自我金雞叫

又

元是神仙何不曉聽予勸家緣事小迷津苦
海須當跳一箇靈明免使塵籠罩 物外澄
心道密妙常清淨龍蟠虎遶神丹結正騰輝
耀返老還童自我金雞叫

又

日暮殘輝何不曉好收心回光返照宜乎急
急搜玄妙疾速修持莫待西沈了 物外修
仙非是矯早認取言鈞語鈞詩詞香餌吞些
小躍出迷津悟得我金雞叫

又

入道已蒙相許了火坑深宜乎猛跳男兒出
語無虛矯慎勿遲疑休使傍人笑 斷制家
緣回日早休似鶴留言華表從斯馬銜登高

眺來勸吾兄莫忘我金雞叫

又

三醫山僻閑失笑離鄉井無愁買惱憂他性
命無心了終日哀人忘了自家道 堪可垂
鈞須索鈞且不免所煎打炒耐羞耐恥頻頻
告謹勸賢家早悟我金雞叫

又

許我年時未入道想賢家心無虛矯勸公早
早家緣掉稍稍遲遲做出諸官調 若肯回
頭何事好樂清閑持盃歡笑撫琴月下沉香
泉披覆玄機別有箇金雞叫

神清秀

寄看麗總管園趙公

些兒微妙非常好猛焰裏自然芝草玉虎與
金龍密護三田寶 丹成九轉青童報便授
取紫微官誥體掛六銖衣跨鶴歸蓬島

道成歸

阮郎歸改道成歸修行人喜知松峯影裏樂
希夷何須唱絕詞 蛇嬰動虎龍隨雲耕坎
與離三千功滿赴瑤池神光相貌奇

燕頭贈岳秀才

年苦志不求奇公尋者希夷猛悟笑微華
枉用機 子偃嬰肥官祥瑞圍傳心印謹相
依靈神自飛

迎仙客

日中烏月中兔走飛子午何曾住虎隨龍
隨虎東西來往自是明瓊路 蛇娘歌嬰子
舞玉堂裏面金為主雲為朋霞為侶逍遙自
在開闢全真戶

擊雲腰

崑崙山上丹陽子真得得過風仙今生相應
前生約訪春川居地肺結良緣 離清坎靜
水生火嬰蛇睡虎龍眠神凝氣聚靈光現駕
雲軒透樣煙去朝元

登仙門

師也師也重陽師也處玄機靜中清也起全
蓮玉花社有誰知也化人人漸歸道也 這
扶風非開悟亦非愚也辨假真稍能明也細
尋思心豁暢略無疑也想師範没人過也

又

難也難也捨家難也絕愛憎屏塵難也處無
為清靜有始終難也譬如死又何難也論
玄元談微妙要人聽也但小童肯來詢也便
須當開言路與其進也我不能保其往也
漸悟集卷下

草堂集

五卷白雲子王先生撰

第八

詞

滿庭芳

因臘月二十二日迺重陽師祖憫

化妙行真人降跡丹陽師父順化

慈願真人昇霞衆道友修齋畢以

詞贈之

雪霽郊園冰凝池沼時當深入窮冬重陽此
日降跡闡真風還是丹陽師父辭塵世飛上
天宮玄元理一昇一降顯現至神功 森窮
真匠手京南陝右河北山東但兒童耆老誰
不欽崇應物隨機順化垂方便三教通同諸
公等從今已往何日再相逢

贈魏德純

利鎖名韉恩繩愛索兀誰不被牽纏但能省
悟早是其前緣那更苦求出離情深處翻作
僻寬應知否暗中真聖接汝趁天元 堅堅
惟謹謹收縛意馬擒從心猿稍些兒放蕩損
壞芝田日用常搜已過居叢叢莫見他恁如

斯做本來一點不許不周圓

贈劉四郎

冷淡家風清開門戶有誰著意搜求元初靈
識剛被火宅囚貪戀時間恩愛終不道前有
程頭當省悟好學我輩一割萬緣休 優游
何可以鷹離籠罩魚脫綸鈎信飄飄渾如解
纜孤舟隨分飢食渴飲飽來後鼓腹歌謳無
榮絆功成歸去高步訪瀛洲

贈周信等

貴賤由天榮枯隨分分明不在強圖得之本
有失者本來無謾使機關巧伴勞神智疲役
形軀癡迷客蠅頭利路食得又何如 蟾烏
飛走急百年限裏光景須臾恰紅顏青鬢盡
變霜鬢不日無常未到問君待著其二枝梧爭
如我虛閑寂靜保固大丹蘊

又

一點靈明萬情牽結豈曾時暫寧因輪回催
逼販骨若丘山由是迷心未悟誇誇辨馳騁
伶奸還同似飛蛾投火蟻蟻競循環 今翻
親得遇羣仙降世闡化人寰示全真大教真